



03 JUN, 2024

2 lagi pembantu penguasa kastam didakwa rasuah

Berita Harian, Malaysia



Page 1 of 2

2 lagi pembantu penguasa kastam didakwa rasuah

Tertuduh mengaku tidak bersalah, 21 Julai sebutan semula kes

Oleh Nor Fazlina Abdul Rahim
nfazlina@bh.com.my

Kota Bharu: Dua lagi pembantu penguasa Jabatan Kastam Diraja Malaysia (JKDM) didakwa di Mahkamah Sesyen, di sini semalam atas tiga pertuduhan menerima rasuah berjumlah RM4,300 pada 2020.

Mohd Faizul Mat Nasir dan Mohamad Rasul Mohd Zukri masing-masing berusia 34 tahun bagaimanapun, mengaku tidak bersalah dan mohon dibicarakan ketika pertuduhan dibacakan secara berasingan di hadapan Hakim Ahmad Bazli Bahrudin.

Mohd Faizul didakwa dengan satu pertuduhan menerima suapan berjumlah RM1,750 pada 16 Julai 2020, manakala Mohamad Rasul didakwa dengan dua pertuduhan menerima suapan keseluruhan berjumlah RM2,550 pada 8 dan 13 September 2020.

Semua kesalahan itu dilakukan di Maybank Berhad di Jalan Mahmood, di sini.

Kedua-dua tertuduh didakwa menerima rasuah daripada seorang pemilik syarikat berusia



Keratan akhbar BH 31 Mei lalu.

38 tahun, melalui pemindahan wang secara dalam talian ke akaun bank masing-masing sebagai dorongan untuk tidak memeriksa lori kargo milik syarikat itu, yang membawa keluar barangan dari Kargo Lapangan Terbang Antarabangsa Kuala Lumpur (KLIA).

Kedua-dua tertuduh didakwa mengikut Seksyen 17(a) Akta Suruhanjaya Pencegahan Rasuah Malaysia 2009 yang boleh dihukum di bawah Seksyen 24(1) akta sama yang memperuntukkan hukuman penjara maksimum 20 tahun atau denda tidak kurang daripada lima kali ganda jumlah atau nilai suapan atau RM10,000, mengikut mana-mana lebih tinggi, jika sabit kesalahan.

Pendakwaan dilakukan Timbalan Pendakwa Raya, Mohd Afif Ali dan Nurul Atiqah Mohamad Alias, manakala kedua-dua tertuduh diwakili peguam, Adhwa Afiah Mohd Azmi.

Dibenar ikat jamin

Terdahulu, Mohd Afif Ali dan Nurul Atiqah memohon jaminan



Mohd Faizul dan Mohamad Rasul tiba di Mahkamah Sesyen Kota Bharu, semalam. (Foto BERNAMA)

setimpal dikenakan, selain mengenakan syarat tambahan terhadap kedua-dua tertuduh.

Adhwa Afiah bagaimanapun, memohon jaminan minimum dikenakan memandangkan tertuduh memberi kerjasama yang baik terhadap Suruhanjaya Pencegahan Rasuah Malaysia (SPRM).

Mahkamah kemudian memutuskan jaminan RM7,000 untuk Mohd Faizul, manakala Mohd

Rasul, RM8,000 dengan syarat tambahan, iaitu perlu melaporkan diri di pejabat SPRM di Putrajaya setiap bulan, selain tidak boleh mengganggu saksi.

Mahkamah turut menetapkan 21 Julai untuk sebutan semula kes.

Minggu lalu, seorang pegawai dan enam pembantu penguasa kastam turut didakwa secara berasingan di Mahkamah Sesyen Shah Alam bagi kesalahan sama.



03 JUN, 2024

2 lagi pembantu penguasa kastam didakwa rasuah

Berita Harian, Malaysia



Page 2 of 2

SUMMARIES

Tertuduh mengaku tidak bersalah, 21 Julai sebutan semula kes

Kota Bharu: Dua lagi pembantu penguasa Jabatan Kastam Diraja Malaysia (JKDM) didakwa di Mahkamah Sesyen, di sini semalam atas tiga pertuduhan menerima rasuah berjumlah RM4,300 pada 2020. Mohd Faizul Mat Nasir dan Mohamad Rasul Mohd Zukri masing-masing berusia 34 tahun bagaimanapun, mengaku tidak bersalah dan mohon dibicarakan ketika pertuduhan dibacakan secara berasingan di hadapan Hakim Ahmad Bazli Bahrudin.